


Jan poets di DEN AMBIENTE: HOPI ORGUYOSODI TA FORMA PARTI DI E FAMILIA DI DIARIO



** Awe nos prestigioso matutino DIARIO ta celebrando su di 18 aña di existencia, sirbiendo e comunidad di Aruba y alaves saliendo na vanguardia di nos dushi pais.

No tin duda cu awe henter Aruba tambe ta den fiesta hunto cu e famia di DIARIO, ya cu durante e 18 añanan cu a transcuri, DIARIO a conquista curason di Aruba pa e simpel hecho cu cada dia e ta demostra cu e ta trahando na bienestar di nos pais cu hopi amor y cariño.

E popularidad di DIARIO den pueblo ta uno increíble y ta pa e motibo aki tambe tur e comerciantenan ta pone nan aviso den DIARIO, debi cu nan tin e pleno confianza cu nan negoshi tin un progreso super rapido cu nan aviso den matutino DIARIO.

E mesun progreso super rapido aki, mi persona Jan Poets tambe a ricibi como colaborador di DIARIO cu mi seccion di DEN AMBIENTE di tur diasabra. For di e prome edicion di DEN AMBIENTE, ya practicamente mi a bira conoci den pueblo. Unda cu mi bira, tur hende ta saluda mi y ta

expresa nan bon comentario pa mi seccion di DEN AMBIENTE.

Pa yena cinco pagina di DEN AMBIENTE tur diasabra, no ta algo facil den e tereno farandulero aki na Aruba cu ta uno hopi limita. Ta un trabao cu ta exige hopi sacrificio, dedicacion y bo mester ta creativo pa cada vez trece un variacion agradable y interesante.

Pa logra esaki, bo mester tin amor pa bo trabao y di otro banda bo mester ricibi e bon cooperacion di flexibilidad for di bo superioran y coleganan di trabao. Pa e motibo aki tambe mi ta hopi orguyoso di por ta formando parti di e famia di DIARIO, debi cu mi ta ricibiendo e bunita cooperacion di flexibilidad for di mi superioran y coleganan di DIARIO, cual ta haci cu mi seccion di DEN AMBIENTE ta gozando di un gran popularidad, no solamente aki na Aruba, pero tambe na Curacao, Bonaire, St. Maarten y Hulanda y awor internacionalmente riba internet, debi cu cada biaha mi bishita un di e islanan ruman aki, mi ta ser reconoci pa mi seccion di DEN AMBIENTE den DIARIO.

Como miembro di e presti-

gioso matutino DIARIO, bo ta ser respeta y portanan di buena fe ta habri pa bo den un forma automatico.

Trahandando cu DIARIO bo tin e privilegio unico pa brinda valor, apoyo y publicidad na esnan cu merece. E privilegio unico aki ta pone bo conquista hopi cariño y

amor serca bo querido pueblo y unda cu bo bay, bo ta ser ricibi cu hopi amor y cariño.

Durante e 8 aña cu mi tin ta trahando cu DIARIO, mi a siña conoce MUNDO, viandando den un forma inconatable pa cubri eventonan mundial y den su mayoria

apoyando nos Missnan y artistanan cu ta sobresali riba tereno internacional. Tambe alaves sera conoci y tin e privilegio di ta mas serca di e artistanan y personahenan famoso.

Esaki ta un otro motibo mas pa mi ta hopi orguyoso y agredido di por ta forma parti di e prestigioso famia di DIARIO. Un PABIEN grandi ta bay pa nos querido propietario, Sra. Nuhad y Sr. Jossy Mansur y famia, y naturalmente na tur mi coleganan di DIARIO. Mi ta desea DIARIO hopi aña mas y cu DIOS drama su BENDICION pa mi DEN AMBIENTE tambe por sigui briya pa hopi aña mas den e matutino super campeon DIARIO..

FOTO:

** Jan Poets hunto cu e ex esposa di Donald Trump, Marla Maples..

** Jan Poets na Las Vegas hunto cu Taryn Mansell Miss Aruba net despues di a keda eligi primera finalista di Miss Universe na Las Vegas.



Pabien!

18

cu bo año

di parti di

TOYOTA Garage Cordia Aruba N.V.

TELEFONNAN DI DIARIO
826747- FAX 828551